

Headline	Peladang sawit haram musnahkan pokok sagu, nipah		
MediaTitle	Kosmo		
Date	13 Feb 2018	Color	Full Color
Section	Negara	Circulation	197,202
Page No	3	Readership	875,000
Language	Malay	ArticleSize	233 cm ²
Journalist	SUHANA MD. YUSOP	AdValue	RM 6,070
Frequency	Daily	PR Value	RM 18,210



Peladang sawit haram musnahkan pokok sagu, nipah

Oleh SUHANA MD. YUSOP

SHAH ALAM - Perbuatan pemilik ladang kelapa sawit haram menebang pokok sagu dan nipah yang merupakan habitat dan sumber makanan siput kecil di tebing Sungai Selangor menyebabkan haiwan tersebut semakin pupus sekali gus menjejaskan kelangsungan hidup kelip-kelip di Kampung Kuantan di Kuala Selangor.

Pegawai Daerah Kuala Selangor, Shamsul Shahril Badliza Mohd. Noor berkata, kepupusan siput kecil itu mengancam kelip-kelip di Kampung Kuantan kerana ia merupakan makanan larva serangga berkenaan.

Sehubungan itu, katanya, satu Jawatankuasa Pemuliharaan Kelip-kelip yang turut dianggotainya Institut Penyelidikan Perhutanan Malaysia (FRIM) dan Lembaga Urus Air Selangor telah ditubuhkan bagi memastikan habitat tersebut terus terpelihara.

"Pokok sagu dan nipah merupakan tempat pembiakan siput. Apabila pokok ini ditebang, maka larva kelip-kelip juga tiada sumber makanan menyebabkan ia mati.

"Walaupun banyak tindakan diambil namun pembukaan ladang kelapa sawit secara haram masih berlaku.

"Justeru, kita akan mengambil tindakan proaktif dengan menanam pokok sagu dan nipah di tebing sun-

gai tersebut dalam masa tersebut.

"Bagaimanapun, kita sedang menunggu kelulusan peruntukan daripada kerajaan negeri," katanya ketika dihubungi di sini semalam.

Dalam pada itu, Shamsul berkata, kerja-kerja mengorek pasir itu dilakukan bertujuan mendalamkan Sungai Selangor bagi mengurangkan risiko banjir yang dihadapi dua kampung berhampiran iaitu Kampung Pasangan dan Tanjung Siam.

"Bagaimanapun, ia tidak menjejaskan habitat kelip-kelip kerana kerja-kerja ini dijalankan lima kilometer dari sempadan Zon Perlindungan Kelip-kelip. Jika dilihat pokok berembang juga masih banyak di tepi sungai tersebut," dakwanya.



KEMUSNAHAN pokok nipah yang merupakan makanan siput boleh menyebabkan haiwan itu pupus dan seterusnya memberi kesan kepada kelip-kelip.